

*MERLINI ALLEGORIA PRO-
fundissimum Philosophici Lapidis
arcanum perfectè con-
tinens.*

Rex quidam alios cupiens superare poten-
tes, se contra eos præparavit ad bellum.
Cumq; vellet equum ascendere, præcepit
cuidã ex militibus suis, vt daret ei ad potã-
dum de aqua, quam plurimum diligebat. Qui respon-
dens ei dixit: Domine, quæ aqua est illa quam quæri-
tis? Et Rex ait: Aqua illa quam quæro aqua est à me
plurimum affectata, & ipsa diligit me præ cæteris. Et
ille perpendens, statim iuit, & eam detulit ei. Rex autẽ
accipiens eã, bibit & rebibit, donec omnia membra sua
repleta sunt, & omnes venæ eius inflatæ, & tunc fuit
valde discoloratus. Hoc factò, dixerunt ei milites eius.
Domine, ecce equũ, ascende si placet. Qui respondens
dixit: Sciatis me ascendere non posse. Dixerunt milites,
quare non potes? Respondit, quia sentio me gravatũ,
& doleo caput: & vt mihi videtur omnia membra mea
ab inuicem diuiduntur, lubeo igitur vobis, quòd po-
natis me in cameram vnã lucidã & ea constituatur
in loco calido & sicco, continuè temperato per diem
& noctem, & ita sudabo, & aqua quam bibi desiccabi-
tur in me, & ita liberabor. Fecerunt ergo sicut Rex præ-
ceperat eis. Completo verò tempore, aperuerunt came-
ram, & inuenerunt eum quasi mortuum. Parentes verò
statim cucurrerunt ad medicos Aegyptiacos & Alexã-
drinos præ cæteris honorandos, & adduxerunt ad eũ,
narrantes eis secundũ quod Regi acciderat. Qui
quidem viso eo, dixerunt, ipsum posse proculdubio li-
berari. Et illi: Quis vestrũ erit magister? Responde-
runt Alexandrini, nos si placet vobis. Dixerunt Aegy-
ptij, non placet nobis, imò nos volumus esse magistri.
Antiquiores enim vobis sumus, licet iuniores videa-
mur. Alexandrini verò consenserunt. Tunc dicti magi-
stri acceperunt Regem, & dilaniauerunt eum in partes
minimas,